


內科學講義

上



內科學講義總目

上編 內科概論

- | | | | |
|----|-------|----|-------|
| 一 | 時病之界說 | 二 | 雜病之界說 |
| 三 | 時病之傳變 | 四 | 雜病之傳變 |
| 五 | 求因說 | 六 | 辨證說 |
| 七 | 六淫與七情 | 八 | 真假與虛實 |
| 九 | 環境與疾病 | 十 | 細菌與疾病 |
| 十一 | 治療法 | 十二 | 處方法 |
| 十三 | 肺病源流 | 十四 | 心病源流 |
| 十五 | 腎病源流 | 十六 | 脾病源流 |
| 十七 | 肝病源流 | 十八 | 包絡病源流 |



十九 胃病源流

二十 胆病源流

二十一 小腸病源流

二十二 大腸病源流

二十三 膀胱病源流

二十四 三焦病源流

下編 內科分論

一時病

一中風

二中暑

三 欬嗽

四 瘧疾

五 痢疾

六 泄瀉

七 霍亂

二 雜病

一 勞傷

二 吐血

三 衄血

四 痰症



五 飲症

七 呃逆

九 噎隔

十一 腫脹

十三 三消

十五 痹症

十七 頭痛

十九 胸痛

二十一 胃脘痛

二十三 腹痛

二十五 大便閉結

六 喘哮

八 嘔吐

十 眩暈

十二 黃疸

十四 痿症

十六 不臥

十八 齒痛

二十 脇痛

二十二 腰痛

二十四 小便不利



內科學講義

上海秦之濟伯未述

上編 內科概論

一 時病之界說

時病者。乃感四時六氣爲病也。春之溫。夏之暑。秋之忿。冬之寒。以遂天地之生長收藏。人冒其氣。統稱時症。故內經曰。謹候其時。氣可與期。又曰。謹守病機。毋失氣宜。而其冬傷於寒。春必病溫。春傷於風。夏生飧泄。夏傷於暑。秋生痲痺。秋傷於濕。冬生欬嗽。雷少逸氏演之爲八。曰傷寒。曰溫病。曰傷風。曰飧泄。曰傷暑。曰痲痺。曰傷濕。曰欬嗽。著時病論八卷。尤能予研究時病者以權輿。其在金匱。則有未至而至。至而不至。至而不去。至而太過之文。譬之冬至

吉林辛瑞鋒
福建楊忠信
吉林高仲山
浙江朱啓後

參訂



南京中醫藥大學圖書館版權所有

之後。甲子夜半少陽起。少陽之時陽始生。天得溫和。以未得甲子。天因溫和。此爲未至而至。以得甲子。而天未溫和。此爲至而不至。以得甲子。而天大寒不解。此爲至而不去。以得甲子。而天溫如盛夏五六月時。此爲至而太過。蓋非其時而有其氣。中之者亦爲時病也。故時病之生。不必傳染。往往於一時期內。見多數類似之症。西醫稱之爲流行性感。冒。如最近之春溫瘧病。形寒身熱。頭項強痛。欬嗽口渴。甚則神昏譫語。牙關緊閉。率由冬令酷冷。春雪過量。外寒內燥。鬱而化熱。循經入腦。其一例也。

二 雜病之界說

雜病者。對時病而稱。時病不外六淫之感受。六經之傳變。有統系可尋。一定之治。雜病則各自爲症。連帶者少。故昔賢張景岳撰雜病謨。徐大椿撰雜病源。皆於傷寒之外。別樹一幟。而金匱要略一書。尤爲後世治雜病之準則。分章立論。俱以病症爲主。不能以經絡臟腑統率也。有之。惟芊綠之雜病源流。

北京中医药大学图书馆藏

燃犀錄。如欬嗽之歸於肺。泄瀉之歸於脾。癲狂之歸於心。淋濁之歸於腎。然亦就其大體而言。蓋五臟皆能致欬嗽。腎虛腸寒皆能至泄瀉。肝胃膀胱皆能致癲狂淋濁。決不能以一臟限之。特挈領提綱。頗便尋索。亦入門之階也。

三 時症之傳變

內科中惟時病最多變化。傷寒論云。傷寒一日。太陽受之。脈若靜者爲不傳。頗欲吐。若躁煩。脈數急者。爲傳也。又曰。傷寒二三日。陽明少陽症不見者。爲不傳也。所稱傳者。卽變化也。如曰。太陽病三日。已發汗。若吐若下。若溫鍼。仍不解者。此爲壞病。桂枝不中與也。又曰。太陽病不解。轉入少陰者。脇下硬滿。乾嘔不能食。往來寒熱。尙未吐下。脈弦細者。與小柴胡湯。若已吐下發汗溫鍼。譫語。柴胡症罷。此爲壞病。知犯何逆。以法治之。所稱壞病者。亦變化也。惟前者屬於病進之自然變化。後者屬於藥誤之被促變化。有以異耳。故治時症時。務宜活潑潑地。審症用藥。萬不可拘執成見。墨守不化。不信。試觀傷寒

論三百九十七法。一百一十三方。其治純粹之傷寒法有幾。治純粹之傷寒方有幾。蓋大半爲應付變化而設者也。

四 雜病之傳變

雜病與時病不並立。固矣。然其治療方劑。頗多一貫之處。卽以仲景書論。可見其梗概。如太陽篇之小青龍湯。痰飲篇亦用之。陽明篇之大承氣湯。下利篇亦用之。少陽篇之小柴胡湯。嘔吐篇亦用之。其他桂枝湯。桂枝加附子湯。白虎加人參湯。瓜蒂散。甘草瀉心湯。小建中湯。麻仁丸。小承氣湯。五苓散。十棗湯。茵陳蒿湯等。均兩見於傷寒金匱。蓋有是病。用是藥。不得截然分爲兩途。又如此。故時病與雜病。在表面上大相逕庭。在實際上正多會通。時病中未嘗無虛症。卽不應從時病治。雜病中未嘗無外感兼症。卽有時宜參時病治。而雜病中更未嘗無變化。如內經云。二陽之病發心脾。有不得隱曲。女子不月。其傳爲風消。其傳爲息賁。又一陽發病。少氣善欬善泄。其傳爲心掣。其

傳爲膈。則雜病之治。正亦如時症之宜如珠走盤。今人有能治時病而不能治雜病。有能治雜病而不能治時病。皆未識個中真理者也。

五 求因說

治內科須先尋得提綱。提綱者六淫七情是也。蓋中醫治病。注重病因。能明二者之變化。卽能測百病之狀態。亦卽能出百病之治法。如斷定所病發熱。或腹痛爲傷於寒。則用藥不離乎溫。發熱者溫散之。腹痛者溫運之。更從而推之。苟斷定其月經停閉爲衝任受寒。痰飲欬嗽爲脾肺受寒。則治亦不外溫下溫化。是知病之變化綦繁。而病之發動實簡。治療之方法綦繁。而方藥之根據實簡。此避繁就簡之妙。世人能行之而不知。能知之而不宣。遂使習醫之士。終日孜孜。不能融會。用力多而得益少。讀書愈富而心曲愈亂。殊屬可慨。至有訾議中醫無病理書籍者。或更附和而謂中醫祇能治病。不能論病者。安知求其因。卽所以明其理。不溯其源。何以窮其流。不齊其本。何以修

其末蓋亦不思之甚也。

六 辨證說

有因必有果。症者因之果也。故藏諸內者必形於外。如傷風病必見形寒發熱。頭痛欬嗽等症。傷食病必見惡食吞酸。中脘痞悶等症。臨床者可因其病而測其症。亦可因其症而斷其病。是辨症之法亦至重也。然在實際上或有適得其反。且原因不同而所現之象或竟相仿。則辨症一道實覺可恃而不可恃。故必卽症以合其因。其病方無遁情。善哉朱丹溪著脈因症治。秦景明著症因脈治。俱以見症原因並提洵爲治病之不二法門也。

七 六淫與七情

六淫者風寒暑濕燥火也。此六者本屬天地之正氣。萬物賴以生長收藏。故亦稱六氣。惟遇太過淫溢卽能病人。故又名曰賊邪。考其所以爲風爲寒爲暑爲濕爲燥爲火。則不外空氣之變化。空氣變化約分三類。一位置變化。二



溫度變化。三濕度變化。空氣流動。名之曰風。流動過劇。氣壓低降。人身抵抗
力不足。或衛氣不固。遂成傷風中風之症。此空氣變易位置。影響於人身者
也。空氣溫度太低。名之曰寒。人身感之。溫度放散。斯時體表之皮膚。必緊縮
而發熱。體內之腸胃。必停水而難運。遂成傷寒寒中之症。若空氣溫度太亢。
人體散熱不及。則身內之水。蒸發尤速。身內之血。膨脹驟增。蒙壓腦筋神昏
煩渴。遂成中暑熱中等症。此空氣變易溫度。影響於人身者也。至空氣水分
太多。卽爲濕氣。是時人身水氣。不易放散。其勢必轉內蒸。神經失其清靈。而
頭裏目蒙之濕病成。或水分不足。燥化過亢。則津枯液涸之燥病成。此空氣
變易濕度。影響於人身者也。凡此諸義。皆古人深體物情所得。確具至理。蓋
密切人身之物。厥惟空氣。空氣和暢。不失常度。人在氣交之中。自然舒泰。若
空氣劇變。溢出常型。人身調節機能。一時不能應付。卽感而爲病。彼西醫執
一病一菌以診治。烏知中醫之玄妙哉。七情者。喜怒哀思驚恐悲也。七者皆

屬精神之變動。變動之極。乃生內傷。其結果與氣有聯帶之關係。故喜之來。如草木逢春。使志愉快。本不病人。惟心中懷有特殊希望。與萬難必得之恐怖。一旦遂其心意。或得之意外。則不免因而生驚。驚喜交集。遂成日夜不休之笑病。怒爲剛暴之氣。當其怒時。以儘量發泄爲是。若懷怒于中。怒氣未消。勉強進食。則不免遺患。因怒時牽動胃氣。縱然納食入胃。胃氣尙未平復。斷難繼續工作。消化食物。遂成停食積聚等病。憂與思各有個別之原因。而每多相因而生。如人懷不可必得之情欲。於是乎憂。不可得而求。所以必得。於是乎因憂而生思。懷有求必得之希望。本屬于思。轉一念又以爲不可必得。於是又因思以生憂。轉輾循環。糾結不解。氣沉且結。融成一片。呼吸因之微。食量因之減。當其深沉之時。直舉視覺聽覺。一時俱失。驚則氣亂。恐則氣下。驚由外界暴來之刺激。恐爲內部常存之畏怖。然畏怖之因。亦多由外界之刺激。故畏怖之情狀。多對於外界之防備。是驚恐二者。亦相連帶。惟因驚生

病。其來猝。其發暴。因恐生病。其蓄久。其發緩。悲則氣消。緩而輕。則食欲減少。漸見精神萎靡。形體消瘦。急而重。則恆至于自殺。以七情發生。雖原因各別。却有過去現在未來三境界。怒與驚爲對於現在之感觸。憂與思爲對於將來之想望。究竟結果。殊無一定。惟有悲之一種。對於過去之失敗。結果已定。故其極端。往往厭世。至於喜樂驚恐。多能耗散正氣。或爲怔忡失志。精傷痿厥等不足之病。悲怒憂思。多能蘊結邪氣。成爲癲狂。噎膈。腫脹。疼痛等。有餘之疾。特在治療上。無論其有餘不足。要皆屬情志內傷。稱爲難治耳。

八 真假與虛實

症候之不可恃。卽在真假之易於混淆。何以言之。眞寒者脈沉而細。或弱而遲。爲厥逆。爲嘔吐。爲腹痛。爲飧泄下利。爲小便清頻。卽有發熱。必欲得衣。此浮熱在外而沉寒在內也。眞熱脈數有力。滑大而實。爲煩躁喘滿。爲聲音壯厲。或大便秘結。或小便赤澀。或發熱掀衣。或脹痛熱渴。假寒者外雖寒而內

則熱。脉數有加。或沉而鼓擊。或身寒惡衣。或便熱祕結。或煩渴引飲。或腸垢臭穢。此則惡寒非寒。明是熱證。所謂熱極反兼寒化。陽盛隔陰也。假熱者外雖熱而內則寒。脉微而弱。或數而虛。浮大無根。或弦芤斷續。身雖熾熱而神則靜。語言詘妄而聲則微。或虛狂起倒而禁之則止。或蚊跡假斑而淺紅細碎。或喜冷飲而所用不多。或舌質雖赤而衣被不撤。或小水多利。或大便不結。此則惡熱非熱。明是寒證。所謂寒極反兼熱化。陰盛隔陽也。以言虛實。至虛有盛候。則有假實矣。大實有羸狀。則有假虛矣。虛者精氣虛也。爲色慘形瘦。爲神衰氣怯。或自汗不收。或二便失禁。或夢遺精滑。或嘔吐隔塞。或病久攻多。或氣短似喘。或勞傷過度。雖外證似實。而脉弱無神者。皆虛證之當補也。實者邪氣實也。或外閉於經絡。或內結於藏府。或氣壅而不行。或血流而凝滯。雖外證似虛。而脉來盛實者。皆實證之當攻也。然則寒熱虛實之間。最多疑似。倘執一二外證。而不能求其真情。能不僨事者幾希。此亦內科之所

以難於瘍科也。

九 環境與疾病

疾病發生。不越天時地理人事三項。天時者。即六氣之變化。多屬流行病。內經曰。風氣流行。脾土受邪。民病飧泄。食減體重。煩冤腸鳴。腹支滿。炎暑流行。金肺受邪。民病瘧。少氣欬血。血溢血泄。注下。隘燥耳聾。中熱肩背熱。雨濕流行。腎水受邪。民病腹痛清厥。意不樂。體重煩冤。燥氣流行。肝木受邪。民病兩脇下少腹痛。目赤痛眦瘍。耳無所聞。寒氣流行。邪害心火。民病身熱。煩心躁悸。陰厥上下。中寒詘妄。心痛。又曰。歲木不及。燥乃大行。民病中清。肘脇痛。少腹痛。腸鳴溏泄。歲火不及。寒乃大行。民病胸中痛。脇支滿。鬱冒蒙昧。心痛暴痞。歲土不及。風乃大行。民病飧泄霍亂。體重腹痛。筋骨繇復。肌肉瞶酸。善怒。歲金不及。炎火乃行。民病肩背膂重。鼻涕。血便注下。歲水不及。濕乃大行。民病腹滿。身重濡泄。寒瘍流水。腰股痛發。足痿清厥。甚則跗腫。皆其屬也。地理

者。因五方不同。釀病各異。謂之地方病。亦可以內經證之。其言曰。一病而治各不同。皆愈者。地勢使然也。故東方之域。天地之所始生也。魚鹽之地。濱海傍水。其民食魚而嗜鹽。皆安其處。美其食。魚者使人熱中。鹽者勝血。故其民皆黑色。疏理。其病皆爲癰瘍。西方者。金玉之域。沙石之處。天地之所收引也。其民陵居而多風。水土剛強。其民不衣而褐薦。華食而脂肥。邪不能傷其形體。其病生於內。北方者。天地所閉藏之域也。其地高陵居。風寒冰冽。其民樂野處而乳飲。藏寒生滿病。南方者。天地所長養。陽之所盛處也。其地下水土弱。霧露之所聚也。其民嗜酸而食胍。故其民皆緻理而赤色。其病癰痺。中央者。其地平以濕。天地所以生萬物也衆。其民食雜而不勞。故其病多痿厥寒熱。人事者。多由飲食起居七情環境所傷。故內經亦曰。凡診病者。必問飲食起居。暴樂暴苦。始樂後苦。皆傷精氣。精氣竭絕。形體毀沮。暴怒傷陰。暴喜傷陽。又曰。凡未診病者。必問嘗貴後賤。雖不中邪。病從內生。名曰脫營。嘗富後

貧名曰失精五氣留連。病有所并。多爲內傷情志病。其有因兵火連年。疫氣橫行。人感而病。則俱屬於傳染病。及歷史病。吾儕於張華博物志。太平御覽。襄陽府志。後漢書。唐宋金元諸史中見之。實人事中之最可惻愴者也。因此三者之關係。遂於診斷之時。不可不加細察。而於治療之際。尤應權宜變化。

十 細菌與疾病

西醫以瘧疾之生。由於孢子蟲。白喉之生。由於短桿菌。喉痧稱猩紅熱。責之連鎖狀球形細菌。肺癆稱肺結核。責之結核桿菌。蓋認一病之生。莫不有一病之菌。於是細菌之學。佔世界醫學上重要位置。西醫之診病。更以檢查細菌爲惟一首務。結果僅能認識細菌。而不能治療疾病。此西醫之缺陷。迄今沉溺其中而莫知振拔者也。要之細菌散布於空氣飲料土壤之中。無乎不在。因種種媒介。以傳染於人身。人之生活。既不能不吸空氣。不引飲料。不接觸媒介物。則細菌之傳染。終不能免。夫人人染細菌。日日染細菌。而多數人